

Ad Virum doctissimum,

Musicum elegantissimum,

DN. BARTHOLOMAEUM GESIUM,



Abstinet à teneris infans vagitibus, aures
Quando replet nutrix officiosa sonis:
Excitusquè sonis horrendus miles ad arma
Proruit: & nigrans organa barrhus amat:
Ad cantum resonant saxa, umbrosæquè cavernæ:
Adquè melos sistit curriculum ipse Furor.
Ergo est mentis inops magis infante, horridiorquè
Militibus; vincit marmora duritie,
Estquè Furore furens magis, est immanior omni
Bruto, quod superest, inquè solo inque salo,
Quem non exhilarat vitæ cælestis imago
Musica grata Deo, Musica grata homini:
Quippe animum harmoniæ rapiunt, animus nisi spretis
Harmonicis numeris desinat esse hominis:
Tartareos pellit lemures: fallitquè labores:
Et gravibus curis anxia corda levat.
At tu, quem passim gratum sacra musica Musis
Reddidit, hinc GESI GESIUS haud mihi eris,
Si terrena tibi Grajo sermone voluptas
Det nomen; cœlo namquè opera hæc volupe est:
Jesæo propius jungit te regia vati
Musica: perge diu psallere, perge Deo.

M. Caleb Trygophorus Professor Logica.